

GÁLEOT. DE PETRAMALA]
Aretius, ut *suprà* pag. 710. observatum est.
Anno MCCCXCV. interfuit electioni Be-
nedicti XIII. & paulò pòst scripsit gravem
epistolam ad cives Romanos; in qua eos pri-
mò redarguit quòd ipsi fuerint auctores schis-
matis, deinde hortatur ut eidem Benedicto,
quem multis laudibus ornat, obedientiam
præstent. Hæc epistola habetur in codice 822.
bibliothecæ Colbertinæ.

Anno sequenti interrogatus à Ducibus Fran-
ciæ an approbaret viam cessionis inventam
Lutetiæ in consilio regio dixit, ut est in ve-
teri codice archivi regii Parisiensis, *se firmi-
miter tenere quòd Rex & Domini nostri habue-
runt & habent factum Domini nostri Papa &
Ecclesiæ universalis recommendatum. Quo præ-
supposito, dixit quòd visa opinione Regis, qua
est via cessionis, ipse tenet in sua conscientia,
sè per hanc viam cessionis pax & unio Ecclesiæ
possit haberi, & intrusus renuntiare velit, quòd
Dominus noster Papa renuntiare debet. In to-
mo sexto Spicilegii Daehleriani pag. 141. ad-
ditur: *Utrà dixit quòd Cardinalis Pampilo-
nia cedulam de qua fit sermo scripserat & di-
ctaverat, tunc asserens sic illam facere & tam
fortiter vallatam quòd nullus Cardinalium ipsè
posset contraire. Scriptam fuisse manu Cardi-
nalis de Petramala patet ex his quæ referen-
tur in extrema pagina harum Notarum.**

VIXIT LĀ V̄ DABILITER] Vide, diversa hominum judicia. Hic auctor Galeorum laudat quòd sēper permanērit in obedientia Clementis VII. neque imitatus sit Pileum de Prata, qui solita levitate transgressus erat in castra Bonifacii noni. Contrā Odeoricus Raynaldus an. 1386. §. 11. Pileum laudat quòd ab apostasia resipuerit, & Galeorum, quem vocat hominem vecordem, in scelere computruisse ait. At si verum amamus, istæ verborum contumeliæ ferri illo tempore poterant inter homines diversarum partium. Sed nos, qui causas illorum odiorum procul habemus, qui fruimur pace Ecclesiæ quam sacrosancta Concilia Pisanum, Constantiense, & Basileense nobis pepererunt, debemus abstinere à verbis injuriosis adversum mortuos, nisi si aliquorum injuriosa & facinorosa vitæ, uti quandoque fit, illa extorquet.

Obiit Viennæ ad Rhodanum ex morbo calculi; ut docet, qui tum erat apud Avenionem, Nicolaus de Clemangiis epist. 12. in qua illum mirificè laudat. Hinc ergo liquet falli eos qui Galeorum mortuum esse aiunt apud Assisium vel apud Avenionem. Illum Hieronymus Garimbertus pag. 447. scribit mortuum esse in monte Alvernæ in summis Apennini jugis ibique sepultum in Ecclesia fratrum Minorum. Errat sanè dum scribit illum rediisse in gratiam cum Urbano sexto. Nam id falsum esse manifestè patet ex epistola ejus ad Romanos suprâ commemorata, & ex eo quòd mortuus est Viennæ. Ad hunc Cardinalem idem Nicolaus scripsit epistolam quintam & sextam.